

ղութեամբ եւ բազում ծախիւք հազիւ կարաց աւարտել զնորոգութիւն վանաց Բեթղեհէմի, եւ եղ արձանագիր 'ի վերայ արտաքին դրան եկեղեցւոյն, (1621):

Քնեաց նաեւ արտաքոյ քաղաքին 'ի գիւղօրայս' 'ի վէլէճէ', 'ի Մալհա' եւ 'ի Ճոռայ այգիս պարտէզս ձիթենեաց թուով իբրեւ 35, որպէս արարեալ էին նախորդքն իւր Անդրիաս եւ Դաւիթ Պատրիարքունք: Եւ 'ի վերայ ճանապարհին Բեթղեհէմի 'ի կողմն յարեւմտից մերձ 'ի գերեզմանն Հոաքելի, դնեաց յԱրաբացւոց պարտէզ ձիթենեաց (1620). եւ յետոյ Զուղայեցի Սարգիս անուն ոմն 'ի միաբանաց՝ գնեաց մաս մի եւս՝ եւ խառնեաց 'ի նա՝ եւ 'ի Ժամանակս մեր Մեսրոպլս եւ Աստուածատուր վարդապետք եւ այլք՝ յաւելին 'ի նա զայլ մասունս: Եւ Տիգրանակերտցի Յակոբ եպիսկոպոս առաւել եւս ընդարձակեաց զտեղին, տնկեաց այգիս եւ ձիթենիս, եգիտ եւ մաքրեալ յարդարեաց զհին մեծամեծ ջրհորս՝ եւ կառոյց սենեակս, ուր գտան բեկորք քարանց դրօշմեալ Հայկական տառիւք, որպէս դրեցաք. եւ կոչի ցարդ տեղին յանուն Բարեյիշատակ Պատրիարքին՝ Պարո Տեր, եւ յԱրաբացւոց՝ Աբա Չախ: Իսկ 'ի գիւղն Վէլէճէ՝ առաջի աղբեր այգի մեծ՝ իբրեւ 30 արտավար, յորում եւ ծառատունկք ձիթենեաց, շինեալ 'ի նիս խուղս ինչ՝ յոր երթայր երբեմն յամանային եղանակին. նոյնպէս եւ 'ի կողմանս Փիլիպպոսի աղբեր, զոր Արաբացիք կոչեն Հանէյէ, եւ յայլ տեղիս: Սակայն 'ի դառնութենէ Ժամանակին այնորիկ՝ բազում անգամ եղեն վէճք եւ դատաստանք վասն նոցա, զի 'ի նեղիլ Արաբացւոց՝ եկեալ բազմութեամբ վկայէին 'ի դատարանի՝ թէ սոքա ամենեքեան են կալուածք Ս. Յակոբայ. եւ յընդարձակիլն՝ դարձեալ տիրէին նոցա, զորս կրկին եւ վերստին գնեալ են զնոսա միաբանք, որոց վաւերական մուրհակքն ցարդ պահին անկորուստ, այլ տեղիքն յափշտակեալ եւ կարուսեալ: Գտանին նաեւ 'ի կարգս դրոց հին Հէօճճէթք կալուածոց՝ գրեալ 'ի մագաղաթի եւ 'ի բամբակեայ թղթի, այլ տեղիքն չերեւին 'ի միջի, զի փոփոխութիւնք Ժամանակի եւ իշխանութեան՝ այլայլեալ են զամենայն ինչ, է՝ զի տիրեալ յԱրաբացւոց, եւ է՝ զի յիշխանութեանց. եւ զոմանս եւս 'ի վաճառ հանեալ, որպէս զպարտէզն ձիթենեաց՝ մերձ 'ի